


Broj: UPI/03-19-2-689/23
Sarajevo, 28.7.2023. godine.



Federalno ministarstvo prostornog uređenja postupajući po zahtjevu firme Unioninvest d.d. Sarajevo, sa sjedištem na adresi Grbavička br. 4, Sarajevo, Novo Sarajevo, za izdavanje ovlaštenja za obavljanje djelatnosti građenja/izvođenja radova, na osnovi odredbe člana 67. stav (1) Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 25a/22, 42/22 i 93/22), člana 200. Zakona o upravnom postupku („Službene novine Federacije BiH“, br. 2/98, 48/99 i 62/22) i prijedloga Stručnog odbora, broj: UPI/03-19-2-689/23 od 27.7.2023. godine, d o n o s i

R J E Š E N J E

1. UTVRĐUJE SE da, Unioninvest d.d. Sarajevo, sa sjedištem na adresi Grbavička br. 4, Sarajevo, Novo Sarajevo, ispunjava uslove za izvođenje i stručni nadzor hidrotehničkih radova kao pojedine faze građenja u oblasti niskogradnje i visokogradnje, građevina i zahvata iz nadležnosti Federalnog ministarstva prostornog uređenja.
2. Imenuju se stručne osobe u svojstvu voditelja radova koje su odgovorne za izvođenje radova iz tačke 1) ovoga rješenja, i to:
 - Velid Pajt, dipl.inž.građ.,
 - Delila Šarić, dipl.inž.građevinarstva.
3. Imenuju se stručne osobe u svojstvu lica predradnika koje su odgovorne za izvođenje radova iz tačke 1) ovoga rješenja, i to:
 - Alen Cigić, bachelor-inž.građ.,
 - Senad Smajić, arh.tehničar.
4. Izvođenje i stručni nadzor iz tačke 1) ovog rješenja daje se na period od 4 (četiri) godine, a na zahtjev izvođača može se produžiti na isti rok.
5. Izvođač iz tačke 1) ovoga rješenja dužan je zatražiti izmjenju ovlaštenja ako su se naknadno promijenili podaci na temelju kojih je ovlaštenje izdato na način da izvođač više ne ispunjava uslove propisane ovom Uredbom za izvođenje radova za koje je ovlaštenje dobio.

O b r a z l o ž e n j e

Firma Unioninvest d.d. Sarajevo, podnijela je dana 2.6.2023. godine, Federalnom ministarstvu prostornog uređenja (u daljnjem tekstu: Federalno ministarstvo), zahtjev za izdavanje ovlaštenja za obavljanje poslova izvođenja i stručni nadzor hidrotehničkih radova u oblasti niskogradnje i visokogradnje.

Odredbama člana 46. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 25a/22 i 42/22, u daljnjem tekstu: Uredba), propisano je da Ministarstvo izdaje ovlaštenje pravnom licu za, građenje/izvođenje radova i/ili nadzor za sve faze, više faza i jedne faze građevina i zahvata u oblasti visokogradnje i niskogradnje.

Odredbama člana 61. Uredbe propisano je, pravnom licu za izvođenje i stručni nadzor građevina i zahvata u prostoru iz nadležnosti Federacije BiH, može se izdati ovlaštenje za:

- a) pripremne radove,
- b) građevinske radove visokogradnje,
- c) građevinske radove niskogradnje,
- d) zanatsko-završne radove,
- e) geotehnička istraživanja i ispitivanja na terenu,
- f) hidrotehničke radove,
- g) radove elektrotehnike:
 - 1) elektroenergetika,
 - 2) telekomunikacija,
 - 3) automatika i elektronika
- h) mašinske radove:
 - 1) proizvodna tehnika,
 - 2) procesna tehnika,
 - 3) energetika i
 - 4) KGH tehnika
- i) radove zaštite, konzervacije i rehabilitacije nacionalnih spomenika i stručni nadzor.

Odredbama člana 62. stav (3) Uredbe propisano je da izvođač ispunjava uslove stručne osposobljenosti i broja radnika za izvođenje pojedinih faza građenja ako zapošljava:

- najmanje dvije osobe koje ispunjavaju uslove za voditelja radova pojedine faze,
- najmanje dvije osobe koje ispunjavaju uslove za obavljanje poslova predradnika odnosno poslovođe,
- najmanje deset osoba s petim, četvrtim odnosno trećim stepenom obrazovanja za izvođenje radova za koje se ovlaštenje daje,
- najmanje deset osoba s drugim i prvim stepenom obrazovanja,
- najmanje dvije osobe s odgovarajućim stepenom obrazovanja za rukovanje sredstvima rada (mašinama, uređajima i/ili opremom) potrebnim za izvođenje radova.

Nadalje, odredbama člana 62. stav (4) Uredbe, propisano je da izvođač ispunjava uslove stručne osposobljenosti i broja radnika za izvođenje pojedinih specifičnih radova jedne faze građenja ako zapošljava:

- najmanje jednu osobu koja ispunjava uslove za voditelja radova,
- najmanje jednu osobu koja ispunjava uslove za obavljanje poslova predradnika, odnosno poslovođe,
- najmanje tri osobe s odgovarajućim stepenom obrazovanja za izvođenje radova,
- najmanje dvije osobe s odgovarajućim stepenom obrazovanja za rukovanje sredstvima rada (mašinama, uređajima i/ili opremom) potrebnim za izvođenje radova za koje se ovlaštenje traži.

Odredbama istog člana propisano je, voditelj radova mora biti:

- a) stručno lice s ovlaštenjem za fizičke osobe, ili
- b) inženjer VI. stepen / bachelor 180 ECTS bodova s minimalno 8 (osam) godina radnog iskustva i položenim stručnim ispitom.

Također, odredbama člana 62. Uredbe propisano je da predradnik, odnosno poslovođa može biti inženjer VI. stepen / bachelor 180 ECTS bodova, tehnička osoba

s petim ili četvrtim stepenom stručne spreme iz oblasti građenja i pet godina radnog iskustva.

Odredbama člana 65. Uredbe propisano je, zahtjev za izdavanje ovlaštenja izvođač podnosi Ministarstvu i prilaže sljedeću dokumentaciju:

- a) izvod iz sudskog registra,
- b) dokaz o urednom izmirenju poreznih obaveza,
- c) opis realiziranih referentnih projekata pravnog lica (u prilogu minimalno tri ugovora o izvršenim poslovima određene faze radova),
- d) dokaz da pravna osoba posjeduje, koristi ili iznajmljuje poslovni prostor,
- e) popis opreme za rad,
- f) popis zaštitne opreme za osobe koje stalno ili povremeno borave na gradilištu,
- g) ovjerena kopija popisa osiguranih osoba za obveznika izdana od strane nadležnog tijela,
- h) tabelarni popis zaposlenika razvrstan na osobe: voditelja radova, predradnika, osoba s petim, četvrtim, trećim, drugim i prvim stepenom obrazovanja i osoba za rukovanje sredstvima rada.

Istim članom propisano je, pored navedenog u stavu (1) ovog člana, za sve predložene osobe voditelja radova potrebno je dostaviti: ovjerenu kopiju ovlaštenja za fizičke osobe za fazu za koju će se podnijeti zahtjev, a za osobe sa 180 ECTS bodova ili osobe koje imaju VI. stepen stručne spreme, potvrdu o radnom odnosu i iskustvu u struci (na memorandumu pravne osobe), ovjerenu kopiju uvjerenja o položenom stručnom ispitu i potpisanu radnu biografiju (CV) od strane zaposlenika.

Stavom (3) istog člana Uredbe propisano je, za sve predložene osobe predradnika potrebno je dostaviti:

- a) ovjerenu kopiju diplome ili svjedočanstva,
- b) potvrdu o radnom odnosu i iskustvu u struci (na memorandumu pravne osobe),
- c) potpisanu radnu biografiju (CV) od strane zaposlenika.

Stavom (4) istog člana Uredbe propisano je, tabelarni prikaz zaposlenika mora sadržavati sljedeće podatke:

- a) smjer i stepen školske spreme,
- b) uvjerenje o položenom stručnom ispitu
- c) ovlaštenja za fizička lica,
- d) ukupno radno iskustvo od dana sticanja školske spreme,
- e) diplomu ili svjedočanstvo o završnom ispitu.

Odredbama člana 68. stav (2) Uredbe propisano je da, zahtjev za produženje rješenja o ovlaštenju podnosi se najkasnije dva mjeseca prije isteka roka važenja ovlaštenja.

Istim članom stavom (4) Uredbe propisano je postupak izdavanja ovlaštenja, produženje i/ili izmjena, dopuna i oduzimanje ovlaštenja vodi se po odredbama Zakona o upravnom postupku ("Službene novine Federacije BiH", br. 2/98 i 48/99).

Odredbama člana 67. Uredbe propisano je:

- Ovlaštenje, produženje, izmjenu ovlaštenja i oduzimanje ovlaštenja izvođaču izdaje Ministarstvo, na prijedlog stručnog odbora za poslove ocjene dokumentacije neophodne za izdavanje ovlaštenja za obavljanje izvođenja radova,
- Stručni odbor ocjenjuje dokumentaciju iz čl. 62. do 66. Uredbe, te predlaže Ministarstvu, ukoliko su ispunjeni svi propisani uslovi za izvođača građevina i zahvata i/ili izvođenje pojedinih faza građenja i/ili izvođača pojedinih specifičnih radova jedne faze građenja, da izda odgovarajuće ovlaštenje.

Odredbama člana 69. Uredbe propisano je:

- Ministar posebnim aktom utvrđuje visinu troškova postupka izdavanja, odnosno produženja, izmjene i/ili dopune rješenja o ovlaštenju za pravna i fizička lica za obavljanje poslova izvođenja građevina i zahvata i/ili izvođenje pojedinih faza građenja i/ili izvođenje pojedinih specifičnih radova jedne faze građenja i/ili stručnog nadzora kao i za rad članova i tehničkog lica stručnog odbora za poslove ocjene validnosti dokumentacije neophodne za izdavanje ovlaštenja za obavljanje djelatnosti građenja, odnosno izvođenja radova.
- Troškove postupka iz stava (1) ovog člana snosi podnosilac zahtjeva.
- Ovlaštenje, produženje, izmjena ili dopuna ovlaštenja neće se izdati izvođaču bez dostavljenog dokaza o izmirenju troškova iz stava (1) ovog člana.

Pomenuti zahtjev razmatran je na 7 sjednici Stručnog odbora za poslove ocjene validnosti dokumentacije neophodne za izdavanje ovlaštenja za obavljanje djelatnosti građenja/izvođenja radova za građevine i zahvate iz nadležnosti Federalnog ministarstva, dana 27.7.2023. godine.

Uvidom u zahtjev i priloženu dokumentaciju, Stručni odbor je utvrdio da je podnosilac zahtjeva priložio svu potrebnu dokumentaciju propisanu odredbama čl. 62. do 66. Uredbe i predložio Federalnom ministarstvu da donese rješenje o ispunjavanju uslova te ovlaštenje.

Rješenjem Federalnog ministarstva, broj: 03-02-1265/21-14 od 25.4.2022. godine, utvrđena je visina troškova postupka, te je slijedom toga podnosilac zahtjeva dostavio dokaz o izvršenju uplati.

Iz svega gore navedenog, odlučeno je kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega se ne može izjaviti žalba, ali se može pokrenuti upravni spor kod Kantonalnog suda u Sarajevu, u roku od 30 dana od dana prijema istog.



Dostaviti:

1. Naslovu,
2. Federalna uprava za inspekcijske poslove,
3. Evidenciji,
4. a./a.

BOSNA I HERCEGOVINA
Federacija Bosne i Hercegovine
Federalno ministarstvo prostornog uređenja

Broj: UPI/03-19-2-689/23
Sarajevo, 28.7.2023. godine.

Na osnovi člana 67. stav (5) Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije Bosne i Hercegovine“, br. 25a/22, 42/22 i 93/22), Federalno ministarstvo prostornog uređenja, **izdaje**

O V L A Š T E N J E
za Izvođača

Unioninvest d.d. Sarajevo, sa sjedištem na adresi Grbavička br. 4, Sarajevo, Novo Sarajevo, ispunjava uslove za **izvođenje i stručni nadzor hidrotehničkih radova kao pojedine faze građenja u oblasti niskogradnje i visokogradnje, građevina i zahvata iz nadležnosti Federalnog ministarstva prostornog uređenja.**

Ovo ovlaštenje je sastavni dio rješenja, broj: UPI/03-19-2-689/23 od 28.7.2023. godine, i izdaje se na rok od četiri godine.

MINISTAR

Željko Nedić



Registar, broj: 179.